

**Պ Ա Յ Մ Ա Ն Ա Գ Ի Ր Ա Ն Պ Ա Գ-ԾՁԲ-303**

**ՊԵՏՈՒԹՅԱՆ ԿՈՐՄԻՑ ԵՐԱՇԽԱՎՈՐՎԱԾ ԱՆՎՃԱՐ ԵՎ ԱՐՏՈՆՅԱԼ ՊԱՅՄԱՆՆԵՐՈՎ ԲԺՇԿԱԿԱՆ ՕԳՆՈՒԹՅԱՆ ԵՎ ՍՊԱՍԱՐԿՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՄԱՍԻՆ**

**ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ**

ԵՎ

**ՆՈՐԱՉԵՆԻ ԱԱՊԿ ՊՈԱԿ-Ի**

(հրավաքանական անձի կամ անհատ ձեռնարկատիրոջ)

ՄԻՋԵՎ

## Առողջապահության նախարարությունը,

(այսուհետ՝ Պատվիրատու)

որպես բժշկական օգնության և սպասարկման պետական պատվեր տեղադրող, մի կողմից՝ ի դեմս առողջապահության նախարարության գլխավոր քարտուղար Վարդանուշ Գրիգորյանի, որը գործում է առողջապահության նախարարության կանոնադրության հիման վրա և

## Նորաշենի ԱԱՊԿ ՊՈԱԿ-ը (լիցենզիա\*)

(այսուհետ՝ Կատարող)

ի դեմս տնօրեն՝ Ռիմա Վարդազարյանի, որը գործում է Նորաշենի ԱԱՊԿ ՊՈԱԿ-ի կանոնադրության հիման վրա կնքեցին սույն պայմանագիրը հետևյալի մասին.

### I. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում, իսկ Կատարողը պարտավորվում է բնակչության առողջության պահպանման և բարելավման ծրագրերի շրջանակներում ցուցաբերել պետության կողմից երաշխավորված անվճար և արտոնյալ պայմաններով բժշկական օգնություն և սպասարկում (այսուհետ՝ Բուժօգնություն) օրենսդրությամբ նախատեսված դեպքերում դրա իրավունքը ունեցող անձանց՝ հավելված 1-ով սահմանված Պատվիրատուի կողմից թույլատրված Բուժօգնության տեսակների գծով՝ առողջապահության նախարարի հրամանով հաստատված բժշկական օգնության և սպասարկման ծառայությունների ցանկի և գների, և սույն պայմանագրի հավելված 2-ով սահմանված պայմանագրային գումարի շրջանակներում:

### II. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

#### 2.1. Կատարողն իրավունք ունի.

2.1.1. սույն պայմանագրով սահմանված կարգով ստանալ փոխհատուցում սույն պայմանագրի պայմաններին համապատասխան ծավալով և որակով մատուցված Բուժօգնության համար,

2.1.2. անհրաժեշտության դեպքում հիմնավորել Պատվիրատուին ներկայացված Բուժօգնության վերաբերյալ հաշվետվությունների արժանահավատությունը՝ լրացուցիչ փաստաթղթեր ներկայացնելու միջոցով,

2.1.3. հերթագրման ոչ ենթակա դեպքերում Բուժօգնության պայմանագրային ծավալների ամսական համամասնությունների գերակատարման հետևանքով հաշվետու ժամանակահատվածում չներկայացված հաշվետվությունները ներկայացնել Պատվիրատուին փոխհատուցման՝ սույն պայմանագրով հաստատված պայմանագրային գումարի շրջանակներում,

2.1.4. ներկա գտնվել Պատվիրատուի կողմից բժշկական կազմակերպությունում իրականացվող դիտարկումներին, մշտադիտարկումներին, ուսումնասիրություններին, փորձագիտական գործունեությանը և ՀՀ օրենսդրությամբ սահմանված կարգով բողոքարկել Պատվիրատուի գործողությունները,

2.1.5. օգտվել ոլորտը կարգավորող իրավական ակտերով սահմանված այլ իրավունքներից:

#### 2.2. Կատարողը պարտավոր է.

2.2.1. Բուժօգնությունն իրականացնել ոլորտը կարգավորող օրենքներին, որոշումներին և առողջապահության նախարարի (այսուհետ՝ Նախարար) հրամաններին համապատասխան,

2.2.2. յուրաքանչյուր ամսվա համար մինչև այդ ամսվան հաջորդող ամսվա 4-րդ աշխատանքային օրվա աշխատանքային ժամի ավարտը (դեկտեմբեր ամսվա համար մինչև դեկտեմբերի 15-ին հաջորդող 3-րդ աշխատանքային օրվա աշխատանքային ժամի ավարտը) էլեկտրոնային առողջապահության համակարգի միջոցով ամփոփել և ներկայացնել Բուժօգնության շրջանակներում կատարված աշխատանքների վերաբերյալ հաշվետվություններ պայմանագրային գումարի ամսական համամասնությունների ծավալներին համապատասխան՝ յուրաքանչյուր ամիս հավասար համամասնություններով, իսկ ֆինանսավորումը՝ «Հայաստանի Հանրապետության 2022 թվականի պետական բյուջեի մասին» օրենքով սահմանված եռամսյակային համամասնություններին համապատասխան, հավելված 2-ով նշված ծրագրերին համապատասխան առանձին ընդունման-հանձնման արձանագրություններ և հաշվարկային փաստաթղթեր, ինչպես նաև իր կողմից իրականացվող գործունեության վերաբերյալ Նախարարի կողմից և այլ իրավական ակտերով սահմանված հստակեցումներին ձևեր և տեղեկանքներ

\* Կ-XX-001126 տրված 29/12/2007թ-ին:

2.2.3. ապահովել սույն պայմանագրի հավելված 3-ով սահմանված «Ծառայությունների մատուցման պայմաններ»-ը,

2.2.4. Պատվիրատուի կողմից էլեկտրոնային առողջապահության համակարգի տվյալների փոխանցումն ապահովող ցանցի (data network) ներդրման դեպքում 14 օրյա ժամկետում միանալ տվյալ ցանցին,

2.2.5. ապահովել սույն պայմանագրի շրջանակներում իրականացվող Բուժօգնության մասին տեղեկատվության հրապարակայնությունը, այդ թվում՝ հաստատված տեսանելի վայրերում փակցնել պետական պատվերի ծառայությունների ծավալների և շահառուների վերաբերյալ տեղեկատվական պաստառները,

2.2.6. պացիենտի հետ կնքել Նախարարի 2011 թվականի փետրվարի 4-ի թիվ 12-Ա և 2011 թվականի փետրվարի 1-ի թիվ 104-Ա հրամաններով հաստատված համավճարային կամ վճարովի հիմունքներով հիվանդանոցային բժշկական օգնության և սպասարկման ծառայությունների մատուցման համապատասխան պայմանագիր,

2.2.7. ապահովել Բուժօգնություն ստացող անձանց իրազեկման թերթիկի լրացումը և տրամադրումը պացիենտներին՝ համաձայն Նախարարի 2013 թվականի դեկտեմբերի 18-ի N 3274-Ա հրամանով հաստատված կարգի,

2.2.8. ապահովել գոյացած ֆինանսական միջոցների արդյունավետ և նպատակային օգտագործումը՝ պահպանելով ծախսերի իրականացման հետևյալ առաջնահերթությունները.

2.2.8.1. աշխատավարձ,

2.2.8.2. հարկային պարտավորություններ,

2.2.8.3. դեղերի և բժշկական նշանակության ապրանքների գնում,

2.2.8.4. այլ ծախսեր,

2.2.9. սահմանել աշխատողների աշխատավարձը, այդ թվում՝ ըստ բուժաշխատողների տարբեր կատեգորիաների աշխատավարձի առնվազն նվազագույն ամսական չափերը, Նախարարի հրամաններով հաստատված՝ աշխատողների աշխատանքի վարձատրության հաշվարկման և վճարման չափորոշիչներին համապատասխան,

2.2.10. ապահովել Պատվիրատուի կողմից սահմանված կարգով և հաստատված ձևերով իրականացվող Բուժօգնության հաշվառումը, գրանցումը, մուտքագրումը էլեկտրոնային առողջապահության համակարգ՝ սահմանված ժամկետներում և տեխնիկական չափանիշներին համապատասխան, ինչպես նաև ապահովել էլեկտրոնային առողջապահության համակարգի սպասարկումը սեփական միջոցներով,

2.2.11. դեպքերի անհատական վարում իրականացնելու նպատակով (case management) Նախարարի կողմից հաստատված ծրագրերի կամ ծառայությունների մատով ապահովել պացիենտների այցելությունների, բժշկական միջամտությունների, մատուցվող ծառայությունների վերաբերյալ տեղեկատվության մուտքագրումը էլեկտրոնային առողջապահության համակարգ,

2.2.12. ապահովել առնվազն բժիշկների, միջին բուժանձնակազմի, ինչպես նաև էլեկտրոնային առողջապահության համակարգից օգտվող վարչատնտեսական անձնակազմի նույնականացման քարտերի առկայությունը,

2.2.13. ապահովել էլեկտրոնային առողջապահության համակարգում պահանջվող տվյալների սահմանված կարգով մուտքագրումը և դրանց թարմացումը,

2.2.14. ՀՀ օրենսդրությամբ սահմանված կարգով իր իրավասության սահմաններում ապահովել էլեկտրոնային առողջապահության համակարգից մշակվող տեղեկատվության գաղտնիությունը,

2.2.15. ապահովել ներկայացված հաշվետվությունների տվյալների իսկությունը և արժանահավատությունը, որի համար ՀՀ օրենսդրությամբ սահմանված կարգով Կատարողն է կրում պատասխանատվություն,

2.2.16. պայմանագրի գործողության ընթացքում լուծարման կամ անանկացման գործընթաց սկսելու դեպքում դրա մասին գրավոր տեղեկացնել Պատվիրատուին,

2.2.17. Պատվիրատուի կողմից դիտարկում, մշտադիտարկում, ուսումնասիրություն, փորձագիտական գնահատում իրականացնելու ամբողջ ընթացքում ապահովել Պատվիրատուին անհրաժեշտ բոլոր փաստաթղթերի և այլ տեղեկատվության ներկայացումը, ապահովել համապատասխան մասնագետների համար աշխատանքային պայմաններ, օժանդակել աշխատանքները ժամանակին և լիարժեք կատարելու հարցում,

2.2.18. ապահովել սույն պայմանագրի գաղտնի հավելված 4-ով սահմանված դրույթների կատարումը, ինչպես նաև այդ դրույթների կատարման հիմքով իրեն հայտնի դարձած, օրենքով պաշտպանվող կամ այլ տեղեկությունների գաղտնիությունը,

2.2.19. Պատվիրատուի կողմից սահմանված ընթացակարգով ապահովել բուժաշխատողների մասնագիտական գիտելիքների և աշխատանքային ունակությունների գնահատմանն ուղղված կազմակերպչական աշխատանքները, ինչպես նաև ընթացք տալ (իրագործել) գնահատման արդյունքների հիման վրա բուժաշխատողների մասնագիտական գիտելիքների և աշխատանքային ունակությունների կատարելագործման և աշխատողների աշխատանքային գործունեության վերաբերյալ Պատվիրատուի ներկայացրած առաջարկություններին,

2.2.20. Պատվիրատուի կողմից պահանջ ներկայացնելուց հետո 15-օրյա ժամկետում տրամադրել վերջին 2 տարիների ընթացքում պետական պատվերի պայմանագրի շրջանակներում իր կողմից դուրս գրած դեղատոմսերի պատճենները,

2.2.21. կատարել Բուժօգնության ոլորտը կարգավորող իրավական ակտերով սահմանված այլ պարտականություններ:

### 2.3. Պատվիրատուն իրավունք ունի.

2.3.1. սույն պայմանագրի համաձայն ինչպես էլեկտրոնային առողջապահական համակարգով, անպես էլ տեղում իրականացնել դիտարկումներ, մշտադիտարկումներ, ուսումնասիրություններ, փորձագիտական գնահատում Կատարողի կողմից Բուժօգնության կատարման ընթացքի, Նախարարի կողմից հաստատված հրամաններով և Պայմանագրով սահմանված ծավալների, որակի, Կատարողի գործունեությունը բնութագրող տեղեկատվության արժանահավատության և ստացված ֆինանսական միջոցների արդյունավետ ու նպատակային օգտագործման ճշտության և իրավական ակտերով սահմանված պահանջների կատարման և պահպանման վերաբերյալ, սահմանել հայտնաբերված թերությունները սեփական միջոցներով վերացնելու ողջամիտ ժամկետ,

2.3.2. 500 մլն. և ավել տարեկան պայմանագրային ծավալ ունեցող բժշկական կազմակերպություններում առողջապահության նախարարությունը կարող է ունենալ մշտական ներկայացուցիչ: Ներկայացուցիչների աշխատակարգը, պարտականությունները և իրավունքները կարգավորվում է նախարարի համապատասխան հրամանով:

2.3.3. պայմանագրով նախատեսված աշխատանքների ուսումնասիրության, դիտարկման, մշտադիտարկման, փորձագիտական գնահատման արդյունքներով հայտնաբերված թերությունները վկայակոչելու և դրանց հետ կապված պահանջներ ներկայացնելու՝ աշխատանքն ընդունելուց հետո մինչև երեք տարվա ընթացքում: Սույն կետը կիրառվում է նաև կողմերի միջև մինչև սույն պայմանագրի կնքումը ծագած հարաբերությունների նկատմամբ՝ կապված նախորդ երկու տարիների ընթացքում պետության կողմից երաշխավորված բժշկական օգնության և սպասարկման ծառայությունների ձեռքբերման հետ,

2.3.4. ամբողջությամբ կամ մասնակի չֆինանսավորել դեպքերի անհատական վարման (case management), մշտադիտարկման, դիտարկման կամ ուսումնասիրություն իրականացնելու ընթացքում հայտնաբերված.

2.3.4.1. բուժօգնության այն ծավալները, որոնք ըստ Կատարողի կողմից էլեկտրոնային առողջապահության համակարգի միջոցով ներկայացված հաշվետվությունների՝ պացիենտին մատուցվել են ամբողջությամբ կամ մասնակիորեն ոչ պատշաճ ծավալի և որակի,

2.3.4.2. պացիենտի ախտորոշմանը չհամապատասխանող լաբորատոր-գործիքային հետազոտություններով կամ բուժման պլանով կամ բժշկի կողմից նշանակված դեղերով բժշկական օգնության մատուցման դեպքերը,

2.3.4.3. ոլորտը կարգավորող իրավական ակտերի դրույթների չպահպանման դեպքերում,

2.3.5. Կատարողի կողմից սույն պայմանագրով սահմանված միևնույն դրույթը պայմանագրի գործողության ժամկետում կրկնակի խախտելու դեպքում՝

2.3.5.1. կիրառել սույն պայմանագրով նախատեսված տույժեր, տուգանքներ և ՀՀ օրենսդրությամբ նախատեսված պատասխանատվության այլ միջոցներ,

2.3.5.2. միակողմանի լուծել պայմանագիրը՝ հաշվի առնելով ՀՀ քաղաքացիական օրենսգրքի 780-րդ հոդվածը,

2.3.6. այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, պատվիրատուն չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պատվիրատուի կրած վնասներն այն ծավալով, որի մասով պայմանագիրը լուծվել է: Սույն կետով նախատեսված հիմքերն ի հայտ գալու դեպքում հսկողություն և (կամ) վերահսկողություն իրականացնող մարմինները, իսկ մյուս դեպքերում պատվիրատուն այդ մասին ծանուցում են իրավապահ մարմիններին՝ վերջիններիս և պայմանագրի կնքած մասնակցին ներկայացնելով հիմքերը:

2.3.7. միակողմանի լուծել սույն պայմանագիրը, եթե Կատարողը էականորեն խախտել է սույն պայմանագրի դրույթները: Կատարողի կողմից պայմանագիրը խախտելն էական է համարվում, եթե.

2.3.7.1. մատուցված ծառայությունները չեն համապատասխանում սույն պայմանագրով սահմանված պահանջներին,

2.3.7.2. սահմանված ժամկետներում չի իրականացնում պայմանագրով նախատեսված տույժերի և տուգանքների վճարումները,

2.3.8. պահանջել և 15-օրյա ժամկետում ստանալ Կատարողի կողմից վերջին 2 տարիների ընթացքում պայմանագրի շրջանակներում իր կողմից դուրս գրած դեղատոմսերի պատճենները,

2.3.9. կրել Բուժօգնության ոլորտը կարգավորող իրավական ակտերով սահմանված այլ իրավունքներ:

#### **2.4. Պատվիրատուն պարտավոր է.**

2.4.1. իրավական ակտերով սահմանված ժամկետներում ընդունել և ամփոփել Կատարողի կողմից իրականացված Բուժօգնության վերաբերյալ ներկայացված հաշվետվությունները և ներկայացնել վճարման,

2.4.2. սահմանված կարգով ապահովել ֆինանսավորման համար անհրաժեշտ փաստաթղթերի մուտքագրումը և այլ անհրաժեշտ գործողությունների կատարումը՝ մինչև հաշվետու ամսվան հաջորդող ամսվա 15-ը, իսկ դեկտեմբեր ամսվա առաջին կեսի համար՝ մինչև տվյալ տարվա դեկտեմբերի 25-ը՝ Կատարողի կողմից սույն պայմանագրի 2.2.2. կետով սահմանված ժամկետների պահպանման պայմանով,

2.4.3. կատարողին ցուցաբերել անհրաժեշտ կազմակերպամեթոդական օժանդակություն, Հայաստանի Հանրապետության առողջապահության նախարարության (այսուհետ՝ Նախարարություն) պաշտոնական կայքում ստեղծել հատուկ դարան և տեղադրել պետության կողմից երաշխավորված բժշկական օգնության և սպասարկման ոլորտը կարգավորող իրավական ակտերը,

2.4.4. գնումների դիմաց վճարումներ իրականացնելիս՝ պայմանագրով նախատեսված հիմքերի առկայության դեպքում պատվիրատուն պարտավոր է ապահովել պայմանագրի կողմի նկատմամբ տույժերի ու տուգանքների հաշվարկումը և հաշվանցումը վճարվելիք գումարների հետ.

2.4.4.1. եթե պատվիրատուն պայմանագրով սահմանված ժամկետում չի ընդունում պայմանագրի արդյունքը կամ չի մերժում, ապա այն համարվում է ընդունված, և պայմանագրով սահմանված վերջնաժամկետին հաջորդող աշխատանքային օրը պատվիրատուն պայմանագրի կողմին է տրամադրում իր կողմից հաստատված հանձնման-ընդունման արձանագրությունը: Ընդ որում, պայմանագրի արդյունքը պատվիրատուին հանձնելու փաստն ամրագրվում է երկկողմ հաստատված փաստաթղթով՝ նշելով փաստաթղթի կազմման ամսաթիվը (էլեկտրոնային հասցեով հանձնելու դեպքում հիմք է ընդունվում էլեկտրոնային նամակի ուղարկման ամսաթիվը),

2.4.5. պայմանագրի կնքած անձի կողմից ստանձնված պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը պատվիրատուն հրապարակում է տեղեկագրում՝ նշելով հրապարակման ամսաթիվը: Պայմանագրի կնքած անձը համարվում է պայմանագիրը միակողմանի լուծելու մասին պատշաճ ծանուցված՝ ծանուցումը տեղեկագրում հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը ուղարկվում է նաև պայմանագրի կնքած անձի էլեկտրոնային փոստին.

2.4.6. կատարել ոլորտը կարգավորող իրավական ակտերով սահմանված այլ պարտականություններ:

### **III. ՎԵՐԱԸՍՎՈՒՄ**

3.1. Կատարողի կողմից սույն պայմանագրի շրջանակներում մատուցված կամ մատուցվող ծառայությունների որակի և ծավալի համապատասխանության գնահատումը սույն պայմանագրի պահանջներին իրականացվում է.

3.1.1. ՀՀ օրենսդրությամբ և Նախարարի հրամանով հաստատված ընթացակարգով՝ մշտադիտարկումների, դիտարկումների, ուսումնասիրությունների, դեպքերի անհատական վարման (case management) միջոցով,

3.1.2. Կատարողի կողմից դեղերի և բժշկական նշանակության ապրանքների գնման նպատակով կնքված պայմանագրերի, ինչպես նաև գնման գործընթացների ընտրանքային մշտադիտարկում իրականացնելու միջոցով, այդ թվում՝ Կատարողից այդ գործարքներին առնչվող բոլոր փաստաթղթերը պահանջելով և ստանալով, ինչպես նաև մշտադիտարկման արդյունքներով բացահայտված խնդիրների շտկման նպատակով համապատասխան գործողություններ իրականացնելով՝ նախապես համաձայնեցնելով ՀՀ ֆինանսների նախարարության հետ (վերաբերվում է միայն 50% և ավելի պետական մասնակցությամբ առևտրային և պետական ոչ առևտրային կազմակերպություններին):

### **IV. ԿՈՂՄԵՐԻ ՊՍԱՍԻՄԱՆԱՏՎՈՒԹՅՈՒՆԸ**

4.1 Սույն պայմանագրով Կատարողի ստանձնած պարտավորությունների չկատարման կամ ոչ պատշաճ կատարման համար սահմանվում են տույժեր և տուգանքներ: Տուգանքի չափը կազմում է պայմանագրի ընդհանուր գնի 0,5 տոկոսը, իսկ տույժերի չափը՝ 0,05 տոկոսը: Ընդ որում, տուգանքը հաշվարկվում է նաև պայմանագրով նախատեսված ծառայությունների մատուցումը պայմանագրով սահմանված ժամկետներում կատարելու, սակայն պատասխանատու ստորաբաժանման կողմից պայմանագրի արդյունքը չընդունվելու դեպքում: Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

4.1.1. Եթե պայմանագիրը կնքվել է «Գնումների մասին» Հայաստանի Հանրապետության օրենքի 15-րդ հոդվածի 6-րդ կետի հիման վրա, ապա տուգանքը հաշվարկվում է պայմանագրով նախատեսված ապրանքների մատակարարման, աշխատանքների կատարման կամ ծառայությունների մատուցման նպատակով կնքված այն համաձայնագրի գնի նկատմամբ, որի շրջանակներում արձանագրվել է ստանձնած պարտավորությունների չկատարման կամ ոչ պատշաճ կատարման հանգամանքը:

4.1.2. Եթե գնման ընթացակարգը կազմակերպվել է չափաբաժիններով, և ընտրված մասնակցի հետ կնքված պայմանագիրը ներառում է մեկից ավելի չափաբաժիններ, ապա տուգանքը հաշվարկվում է պայմանագրով այդ չափաբաժնի համար սահմանված ընդհանուր գնի նկատմամբ:

4.2 Պարտավորությունների ոչ պատշաճ կատարում է համարվում նաև.

4.2.1. եթե Կատարողի կողմից էլեկտրոնային առողջապահության համակարգ մուտքարկված տվյալներում յուրաքանչյուր ծրագրի մասով հայտնաբերված թերությունների, անճշտությունների թիվը ամսական կտրվածքով կազմում է ներկայացված հաշվետվությունների 5 տոկոսը կամ ավելին,

4.2.2. Կատարողի կողմից սույն պայմանագրով նախատեսված Բուժօգնության ծավալները ոչ ամբողջությամբ կամ մասնակի կամ ոչ պատշաճ որակի Բուժօգնության տրամադրումը՝ եթե դրա մասին Պատվիրատուի կողմից Կատարողին սույն պայմանագրի գործողության ընթացքում առնվազն մեկ անգամ գրավոր տեղեկացվել է և նախազգուշացնելուց հետո նույն խախտումը կրկնվելու կամ այն չվերացնելու դեպքում,

4.3. սույն պայմանագրով հաշվետվությունների ներկայացման ժամկետները խախտելու դեպքում Կատարողից ուշացված յուրաքանչյուր աշխատանքային օրվա համար գանձվում է տույժ, որը հաշվարկվում է պայմանագրի չկատարված մասի գնի նկատմամբ՝ 0,05%-ի չափով:

4.4. Կատարողը սահմանված կարգով և չափերով պատասխանատվություն է կրում նաև սույն պայմանագրի 3-րդ հավելվածում՝ «Ծառայությունների մատուցման պայմաններ»-ում նշված պարտավորությունների չկատարման համար,

4.5. սույն պայմանագրի շրջանակներում մշտադիտարկումների, դիտարկումների, ուսումնասիրությունների, դեպքերի անհատական վարման միջոցով հայտնաբերված այն խախտումների գումարը, որոնք կատարվել են սույն պայմանագրի գործողության ժամանակահատվածում, Պատվիրատուն պակասեցնում է Կատարողի ընթացիկ տարվա փաստացի աշխատանքների ծավալից, իսկ սույն պայմանագրի գործողության ժամանակահատվածից դուրս հայտնաբերված խախտումների արձանագրված գումարը փոխանցվում է ՀՀ պետական բյուջեի համապատասխան հաշիվներին,

4.6. Պատվիրատուի կողմից հայտնաբերված խախտումների ճշտումը չի ազատում Կատարողին իր պարտավորությունները ոչ պատշաճ կատարելու համար ՀՀ օրենսդրությամբ և սույն պայմանագրով նախատեսված պատասխանատվությունից,

4.7. տուգանքի և տույժի վճարումը Պատվիրատուին և Կատարողին չի ազատում իրենց պայմանագրային պարտավորությունները ամբողջությամբ կատարելու կամ խախտումները վերացնելու պարտականությունից,

4.8. սույն պայմանագրի շրջանակում նախատեսված տուգանքները և տույժերը հաշվարկվում և վճարվում են ՀՀ օրենսդրությամբ սահմանված կարգով:

4.9. սույն պայմանագրով չնախատեսված դեպքերում Պատվիրատուին և Կատարողին իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

#### **V. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)**

5.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե եղել է անհաղթահարելի ուժի ազդեցություն, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

#### **VI. ՊԱՅՄԱՆԱԳՐԻ ԼՈՒԾՈՒՄԸ**

6.1. Սույն պայմանագիրը կարող է լուծվել, եթե կողմերը կամ լուծարվել, կամ վերակազմակերպվել, կամ սնանկ են ճանաչվել՝ հատուցելով կողմերի կատարած ծախսերը,

6.2. սույն պայմանագիրը կարող է լուծվել 2.3.5.2, 2.3.6, 2.3.7 և 5.1 կետերով նախատեսված դեպքերում,

6.3. սույն պայմանագիրը կարող է միակողմանի լուծվել՝ 7.2 կետում նշված համաձայնագրի կնքումից Կատարողի հրաժարման դեպքում,

6.4. ՀՀ օրենսդրությամբ կամ սույն պայմանագրով նախատեսված այլ դեպքերում:

#### **VII. ԵԶՐԱՓՈՒԿԻՉ ԴՐՈՒՅԹՆԵՐ**

7.1. Սույն պայմանագիրն ուժի մեջ է մտնում ստորագրման պահից և գործում է մինչև 31.12.2022 թվականը: Պայմանագրի պայմանները կիրառվում են 2021 թ. դեկտեմբերի 15-ից մինչև պայմանագրի կնքելը, բայց ոչ ուշ, քան 2022թ. հունվարի 31-ը կողմերի միջև ծագած հարաբերությունների նկատմամբ՝ բացառությամբ Պայմանագրի 2.3.6. կետի: Ընդ որում՝ մինչև Պայմանագրի կնքվելը Կատարողի կողմից մատուցված ծառայության դիմաց վճարումը իրականացվում է Պայմանագիրը սույն կետի համաձայն ՀՀ ֆինանսների նախարարության կողմից հաշվառված լինելու դեպքում,

7.2. Պայմանագրում փոփոխություններ և լրացումներ (պետական պատվերի շրջանակներում իրականացվող բժշկական օգնության տեսակների նորմատիվներում և գներում, Կատարողի պայմանագրային գումարներում Նախարարի համապատասխան հրամաններով իրականացվող փոփոխությունները և լրացումները) կարող են կատարվել համաձայնագրի կնքելու միջոցով, որը կհանդիսանա սույն պայմանագրի անբաժանելի մասը,

7.3. Պայմանագրի փոփոխման կամ լուծման դեպքում տվյալ պահին բուժումը դեռ չավարտած պացիենտների բուժման հետագա փոխհատուցումը իրականացնելու նպատակով, Կատարողը Պատվիրատուին է ներկայացնում դադարեցման ենթակա ծառայության մասով բուժումը շարունակող պացիենտների ցանկը և հիվանդության պատմագրերի համարները,

7.4. կողմերի միջև վեճերը լուծվում են Կողմերի բանակցությունների միջոցով, իսկ համաձայնության չգալու դեպքում՝ ՀՀ օրենսդրությամբ սահմանված կարգով,

7.5. սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում, արգելվում է կատարել այնպիսի փոփոխություններ, որոնք հանգեցնում են գնվող ծառայությունների ծավալների կամ, ձեռք բերվող

7.6. Պայմանագրի կողմերից անկախ գործոնների ազդեցությամբ Պայմանագրի փոփոխման դեպքերը սահմանում է Հայաստանի Հանրապետության կառավարությունը,

7.7. Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը: Ընդ որում, արգելվում է մինևս մյուս քյուչետային տարվա ընթացքում նույն ապրանքի, աշխատանքի կամ ծառայության ձեռքբերման նպատակով նախատեսել ֆինանսական միջոցներ,

7.8. սույն պայմանագրից ծագած Կողմի վճարային պարտավորությունը չի կարող դադարել այլ պայմանագրից ծագած՝ հակընդեմ պարտավորության հաշվանցով, առանց Կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի առանց պարտապան Կողմի (ֆինանսների նախարարության) գրավոր համաձայնության,

7.8.1 Հայաստանի Հանրապետության պետական բյուջեի միջոցների հաշվին պարտավորություններ առաջացնող գնումների դեպքում պայմանագրով նախատեսված կողմերի իրավունքների և պարտա-կանությունների կատարման պայման է այդ գործարքի՝ լիազորված մարմնի կողմից հաշվառված լինելու հանգամանքը:

7.9. Սույն պայմանագիրը և նրան կից հավելվածները կազմված են հավասար իրավաբանական ուժ ունեցող երկու օրինակից, որոնցից մեկը գտնվում է Պատվիրատուի, մյուսը՝ Կատարողի մոտ՝ բացառությամբ գաղտնի հավելված 4-ի:

### VIII. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

#### ՊԱՏՎԻՐԱՏՈՒ

##### Առողջապահության նախարարություն

Հասցե Երևան, Կառավարական տուն 3

Սպասարկող բանկ ՖՆ գործառնական վարչություն

Բանկային հաշիվ 900011105013

ՀՎՀՀ 02507171

Առողջապահության նախարարության գլխավոր քարտուղար՝

Վարդանուշ Գրիգորյան

\_\_\_\_\_  
/ստորագրություն/

« 24 » հունվարի 2022 թ

Հեռ: +37460808003

Ֆաքս:

E-mail: [info@moh.am](mailto:info@moh.am)

#### ԿԱՏԱՐՈՂ

##### Նորաշենի ԱԱՊԿ ՊՈԱԿ

Հասցե գ.Նորաշեն, Տերյան1

Սպասարկող բանկ Ֆինանսների նախարարության գանձապետարան

Բանկային հաշիվ 900418000478

ՀՎՀՀ 04220766

Տնօրեն՝

Ռինա Վարդազարյան

\_\_\_\_\_  
/ստորագրություն/

« 24 » հունվարի 2022 թ

Հեռ: +37493 72 68 50

Ֆաքս:

E-mail: [norasheniaapk@mail.ru](mailto:norasheniaapk@mail.ru)

**ՑԱՆԿ**

**ՊԵՏՈՒԹՅԱՆ ԿՈՂՄԻՑ ԵՐԱՇԽԱՎՈՐՎԱԾ ԱՆՎՃԱՐ ԵՎ ԱՐՏՈՆՅԱԼ ՊԱՅՄԱՆՆԵՐՈՎ ԲԺՇԿԱԿԱՆ ՕԳՆՈՒԹՅԱՆ և ՍՊԱՍԱՐԿՄԱՆ ՇՐՋԱՆԱԿՆԵՐՈՒՄ ԹՈՒՅԼԱՏՐՎԱԾ ԲԺՇԿԱԿԱՆ ՕԳՆՈՒԹՅԱՆ և ՍՊԱՍԱՐԿՄԱՆ ՏԵՍԱԿՆԵՐԻ ՑԱՆԿ**

**ԱՐԱՐԱՏ**

**ՆՈՐԱՇԵՆԻ ԱԱՊԿ ՊՈԱԿ-303**

(տարածաշրջանի և բժշկական կազմակերպության անվանումը, կողը)

| Տեսակի կոդ | Բժշկական օգնության և սպասարկման տեսակը         |
|------------|--|
| 1.4        | Ընտանեկան բժշկություն                          |
| 9          | Բռնուս, ՀՀ ԱՆ հրամանով կատարվող բուժօգնություն |

2022 թվականի պետության կողմից երաշխավորված  
անվճար և արտոնյալ պայմաններով բժշկական օգնության  
և սպասարկման ծրագրերը և պայմանագրային  
գումարները

Նորաշենի ԱԱՊԿ ՊՈԱԿ  
(Բուժհաստատության անվանումը)

(հազար ՀՀ դրամ)

| Ծրագիր | Միջոցառում | Բժշկական օգնության և սպասարկման ծրագրի անվանումը  | Չափման միավորը   | Քանակ | 2022 թվականի<br>պայմանագրային<br>գումար |
|--------|------------|---|------------------|-------|---|
| 1      | 2          | 3   | 4                | 5     | 6                                       |
|        |            | <b>Ընդամենը, այդ թվում՝</b>   | x                | X     | 22 815,06                               |
| 1099   |            | <b>Առողջության առաջնային պահպանում, այդ թվում</b>   | x                | X     | 22 815,06                               |
|        | 11001      | <b>Ամբուլատոր-պոլիկլինիկական բժշկական օգնություն, այդ թվում</b>   | x                | X     | 22 815,06                               |
|        |            | <b>Ամբուլատոր-պոլիկլինիկական բժշկական օգնության ծառայություններ</b>   | ազգաբնակչություն | 3 340 | 17 303,19                               |
|        |            | Մեծահասակների առողջության առաջնային պահպանում   | ազգաբնակչություն | 2 585 | 11 118,09                               |
|        |            | Երեխաների առողջության առաջնային պահպանում   | ազգաբնակչություն | 755   | 5 830,87                                |
|        |            | Դիսպանսերային բժշկական օգնություն, որից   | x                |       | 0,00                                    |
|        |            | Հոգեկարգաբանական  | ազգաբնակչություն | 0     | 0,00                                    |
|        |            | Հակաբուժական  | ազգաբնակչություն | 0     | 0,00                                    |
|        |            | Ուռուցքաբանական (<< մարզերի համար)  | ազգաբնակչություն | 0     | 0,00                                    |
|        |            | Մաշկավեներաբանական (<< մարզերի համար)   | ազգաբնակչություն | 0     | 0,00                                    |
|        |            | Արյունաբանական  | ազգաբնակչություն | 0     | 0,00                                    |
|        |            | Նարկոլոգիական   | ազգաբնակչություն | 0     | 0,00                                    |
|        |            | << մարզերում դիսպանսեր ծառայությունների լաբորատոր-գործիքային հետազոտությունների համար (ներառյալ կցագրված տարածքի բնակչության համար իրականացվող)   | ազգաբնակչություն | 0     | 0,00                                    |
|        |            | <b>Մանկաբարձագինեկոլոգիական ընդհանուր պրակտիկա, որից</b>  | x                | 1 312 | 354,24                                  |
|        |            | Մանկաբարձ-գինեկոլոգի կողմից իրականացվող (անմիջական սպասարկման տարածքի համար)  | ազգաբնակչություն | 0     | 0,00                                    |
|        |            | Մանկաբարձ-գինեկոլոգի կողմից իրականացվող (կցագրված տարածքի համար)  | ազգաբնակչություն | 0     | 0,00                                    |
|        |            | Ընդամենական բժշկի կողմից իրականացվող  | ազգաբնակչություն | 1 312 | 354,24                                  |
|        |            | <b>Ընտանեկան բժիշկների կողմից նեղ մասնագիտացված խորհրդատվության ուղեգրում</b>   | x                | x     | 1 427,14                                |
|        |            | <b>Ընտանեկան բժիշկների կողմից լաբորատոր-գործիքային ախտորոշիչ հետազոտությունների ուղեգրում</b>   | x                | x     | 1 476,28                                |
|        |            | <b>Անվճար և արտոնյալ պայմաններով տրամադրվող դեղեր</b>   | x                | X     | 1 283,65                                |
|        |            | <b>Հղիների հսկողություն</b>   | x                | X     | 321,44                                  |
|        |            | <b>Հղիների նախածննդյան և հետծննդյան հսկողության ընթացքում, ինչպես նաև կանանց և 15 տարեկան աղջիկների առողջական վիճակի գնահատման նպատակով կատարվող լաբորատոր-գործիքային ախտորոշիչ հետազոտություններ</b> | x                | X     | 0,00                                    |



|      |       |   |           |     |        |
|------|-------|---|-----------|-----|--------|
|      |       | <b>Չորակոչային և նախազորակոչային տարիքի անձանց արտահիվանդանոցային փորձաքննություն, այդ թվում</b>  | x         | X   | 0,00   |
|      |       | Զինկոմիսարատներին կից բժշկական հանձնաժողովներ   | x         | X   | 0,00   |
|      |       | Չորակոչային և նախազորակոչային տարիքի անձանց հիվանդանոցային ուղեգրման ճանապարհածախս  | x         | X   | 0,00   |
|      |       | <b>Պալիատիվ բժշկական օգնություն և սպասարկում</b>  | x         | X   | 0,00   |
|      |       | <b>ԱԱՊ բժշկի գործունեությունը գնահատող ցուցանիշների կատարման դիմաց ֆինանսավորում</b>  | x         | X   | 0,00   |
|      |       | <b>Հեպատիտ Ց-ի ախտորոշման և բուժման ծրագրի շրջանակներում իրականացվող հետազոտություններ</b>  | x         | X   | 0,00   |
|      |       | <b>Բուժքույրերի կողմից իրականացվող բժշկական օգնություն ԲՄԿ-ներում</b>   | բուժքույր | 0   | 0,00   |
|      |       | <b>Բուժքույրերի կողմից երեխաների բժշկական օգնություն և սպասարկում դպրոցներում</b>   | աշակերտ   | 422 | 899,28 |
|      |       | <b>Ընտանեկան բժիշկի կողմից տնային կանչեր աշխատաժամից դուրս՝ շտապօգ. մեքենայով</b>   | x         | X   | 0,00   |
|      |       | <b>Հիվանդությունների կանխարգելում և վերահսկում</b>  | x         | X   | 104,08 |
|      |       | <b>Հիվանդանոցային պայմաններում արտահիվանդանոցային բժշկական օգնություն (emergency)</b>   | x         | X   | 0,00   |
|      |       | <b>Այլ, մյուս խմբերում չընդգրկված տիպի բժշկական օգնություն և սպասարկում, որից</b>   | x         | x   | 0,00   |
|      |       | <b>Հղիների նախածննդյան հսկողության բարելավման, սկրինինգների ընդլայնման ենթածրագրի կատարումն</b>   | x         | x   | 0,00   |
|      |       | <b>Երիտասարդների վերարտադրողական ներուժի բարելավման ենթածրագրի կատարումն ապահովող միջոցառումների շրջանակներում իրականացվող հետազոտություններ</b>                    | x         | x   | 0,00   |
|      | 11004 | <b>Ախտորոշման ճշտման նպատակով լաբորատոր-գործիքային ախտորոշիչ հետազոտություններ մասնագիտացված և ենտոններում</b>  | x         | X   | 0,00   |
| 1142 |       | <b>Դատաբժշկական և ախտաբանաանատոմիական ծառայություններ, այդ թվում</b>  | x         | X   | 0,00   |
|      | 11001 | <b>Դատաբժշկական ծառայություններ</b>   | x         | X   | 0,00   |
|      | 11002 | <b>Ախտաբանաանատոմիական հետազոտություններ</b>  | x         | X   | 0,00   |
| 1200 |       | <b>Մոր և մանկան առողջության պահպանում, այդ թվում</b>  | x         | X   | 0,00   |
|      | 11003 | <b>Երեխաներին բժշկական օգնության ծառայություններ</b>  | x         | X   | 0,00   |
|      | 11004 | <b>Մտավոր, հոգեկան (վարքագծային), լսողական, ֆիզիկական (շարժողական) և զարգացման այլ խանգարումներով երեխաների գնահատման և վեռամանստոսական բուժման ծառայություններ</b> | x         | X   | 0,00   |
|      | 11006 | <b>Անպտուղ զույգերի համար վերարտադրողական օժանդակ տեխնոլոգիաների կիրառմամբ բժշկական օգնության ծառայություններ</b>   | x         | x   | 0,00   |
|      | 11007 | <b>Բնածին հիպոթիրեոզի, ֆենիլկետոնուրիայի և լսողության խանգարումների վաղ հայտնաբերման նպատակով նոռածնաին սկրինինգի անցկացում</b>                                     | x         | X   | 0,00   |
| 1201 |       | <b>Շտապ բժշկական օգնություն, այդ թվում</b>  | x         | X   | 0,00   |
|      | 11001 | <b>Շտապ բժշկական օգնության ծառայություններ</b>  |           |     | 0,00   |
| 1202 |       | <b>Ոչ վարակիչ հիվանդությունների բժշկական օգնության ապահովում, այդ թվում</b>   |           |     | 0,00   |
|      | 11001 | <b>Հեմոդիալիզի և պերիտոնալ դիալիզի անցկացման ծառայություններ</b>  | x         | X   | 0,00   |
|      | 11002 | <b>Անհետաձգելի բժշկական օգնության ծառայություններ, այդ թվում</b>  | x         | X   | 0,00   |

|      |       |  |   |   |      |
|------|-------|--|---|---|------|
|      |       | Անհետաձգելի բժշկական օգնություն  | x | X | 0,00 |
|      |       | Գլխուղեղի սուր կամ ենթասուր իշեմիկ ինսուլտի բուժում  | x | X | 0,00 |
|      | 11003 | <b>Հոգեկան և նարկոզիակա հիվանդների բժշկական օգնության ծառայություններ, այդ թվում</b>                     | x | X | 0,00 |
|      |       | Դեղորայքի և սննդի ծախսեր   | x | X | 0,00 |
|      |       | Այլ ծախսեր   | x | X | 0,00 |
|      | 11004 | <b>Ուռուցքաբանական և արյունաբանական հիվանդությունների բժշկական օգնության ծառայություններ, այդ թվում</b>  | x | X | 0,00 |
|      |       | Ուռուցքաբանական հիվանդությունների բժշկական օգնության ծառայություններ                                     | x | X | 0,00 |
|      |       | Ուռուցքաբանական հիվանդությունների վիրահատական բժշկական օգնության ծառայություններ                         | x | X | 0,00 |
|      |       | Արյունաբանական ծառայություն  | x | X | 0,00 |
| 1207 |       | <b>Սոցիալապես անապահով և առանձին խմբերի անձանց բժշկական օգնության, այդ թվում</b>                         | x | X | 0,00 |
|      | 11001 | <b>Սոցիալապես անապահով և հատուկ խմբերում ընդգրկվածների բժշկական օգնության ծառայություններ, այդ թվում</b> | x | X | 0,00 |
|      |       | Սոցիալապես անապահով և հատուկ խմբերում ընդգրկվածների սրտի վիրահատություններ                               | x | X | 0,00 |
|      |       | Զորակոչային և նախազորակոչային տարիքի անձանց հիվանդանոցային փորձաքննություն և բուժում                     | x | X | 0,00 |
|      |       | Սոցիալապես անապահով և հատուկ խմբերում ընդգրկվածների բժշկական օգնություն                                  | x | X | 0,00 |
|      |       | Արտահիվանդանոցային դժվարամատչելի ախտորոշիչ հետազոտություններ   | x | X | 0,00 |
|      | 11002 | <b>Ատոմատոլոգիական բժշկական օգնության ծառայություններ</b>  | x | X | 0,00 |
|      | 11007 | <b>Փոխպատվաստման ծառայություններ</b>   | x | X | 0,00 |
| 1208 |       | <b>Վարակիչ հիվանդությունների կանխարգելման ծրագիր, այդ թվում</b>  | x | X | 0,00 |
|      | 11001 | <b>ՄԻԱՎ/ՁԻԱՀ-ի կանխարգելման և բուժօգնության ծառայություններ</b>  | x | X | 0,00 |
|      | 11002 | <b>Տուբերկուլոզի բժշկական օգնության ծառայություններ</b>  | x | X | 0,00 |
|      | 11003 | <b>Աղիքային և այլ ինֆեկցիոն հիվանդությունների բժշկական օգնության ծառայություններ</b>                     | x | X | 0,00 |

**ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՅՄԱՆՆԵՐԸ ԵՎ ԴՐԱՆՑ ԽԱԽՏՄԱՆ ԴԵՊՔՈՒՄ ՊԱՏԱԽԱՆԱՏՎՈՒԹՅՈՒՆԸ**

|  |  |
|--|--|
| <p>Պետության կողմից երաշխավորված անվճար և արտոնյալ պայմաններով հիվանդանոցային և արտահիվանդանոցային բժշկական օգնության և սպասարկման պայմանները</p>  | <p>Կատարողի պատասխանատվությունը</p>  |
| <p align="center"><b>Գլուխ Ա. Հիվանդանոցային Բուժօգնություն</b></p> <p>Պետպատվերի շրջանակներում անվճար հիվանդանոցային բժշկական օգնության և սպասարկման ծավալները ընդգրկում են բժշկական օգնություն և սպասարկում ստացող քաղաքացու բուժման համար անհրաժեշտ միջոցների ամբողջ ծավալը՝ այդ թվում.</p>   |  |
| <p>1. Բուժօգնություն ստացող պացիենտի ընդունման, ախտորոշման, բուժման պլանի և դուրս գրման իրականացումը գործող իրավական ակտերով սահմանված ձևերով և կարգով:</p>  | <p>1-ին կետում նշված պայմանները օրենսդրորեն սահմանված ձևերով և կարգով չկատարման դեպքում յուրաքանչյուր դեպքի համար կատարողականից կատարվում է նվազեցում 5000 դրամի չափով:</p>  |
| <p>2. Բուժօգնություն ստացող պացիենտի բուժման համար անհրաժեշտ լաբորատոր ախտորոշիչ և գործիքային հետազոտությունների ամբողջ ծավալով իրականացումը, ընդ որում արգելվում է պետպատվերով բուժման ուղեգիր ունեցող պացիենտներին մինչ ստացիոնար ընդունվելը վճարովի հետազոտություններ իրականացնել:</p>  | <p>2-րդ կետում նշված լաբորատոր ախտորոշիչ և գործիքային հետազոտությունների հաստատված ծավալները բուժման ընթացքում ամբողջովին կամ մասնակի չիրականացման դեպքում յուրաքանչյուր դեպքի համար կատարողականից կատարվում է նվազեցում 20 000 դրամի չափով, իսկ պետպատվերով բուժման ուղեգիր ունեցող պացիենտներին մինչ ստացիոնար ընդունվելը վճարովի հետազոտություններ իրականացնելու դեպքում կատարողականից կատարվում է նվազեցում տվյալ դեպքի ամբողջ գումարի 20%-ի չափով և պացիենտի կողմից վճարված գումարները ենթակա են վերադարձման:</p> |
| <p>3. Բուժօգնություն ստացող պացիենտի բուժման համար անհրաժեշտ լաբորատոր ախտորոշիչ և գործիքային այն հետազոտությունները, որոնք բացակայում են տվյալ բժշկական կազմակերպությունում, Կատարողը պարտավոր է կազմակերպել պայմանագրային հիմունքներով</p>   | <p>3-րդ կետում նշված պայմանները չպահպանելու դեպքում յուրաքանչյուր դեպքի համար կատարողականից կատարվում է նվազեցում տվյալ հետազոտության գնի չափով և պացիենտի կողմից վճարված գումարները ենթակա են վերադարձման</p>   |
| <p>4. Լաբորատոր ախտորոշիչ և գործիքային հետազոտությունների և բուժման պլանի համապատասխանությունը ախտորոշմանը և բուժմանը:</p>   | <p>4-րդ կետում նշված պայմանները չպահպանելու դեպքը փոխհատուցման չի ընդունվում:</p>  |
| <p>5. Բուժօգնություն ստացող պացիենտի բուժման համար անհրաժեշտ դեղերի և բժշկական նշանակության ապրանքների ապահովումը՝ կազմակերպության միջոցների հաշվին, ընդ որում՝ առանձին դեպքերում բուժումը պացիենտի կողմից ձեռք բերված դեղերով թույլատրվում է կազմակերպել միայն պացիենտի գրավոր համաձայնությամբ՝ հիվանդության պատմագրի մեջ ձևակերպված հիմնավորվածությամբ և բժշկական կազմակերպության ղեկավարի կամ նրա կողմից լիազորված անձի թույլտվությամբ:</p> | <p>5-րդ կետում նշված կարգի խախտման դեպքում, այդ թվում՝ եթե հիվանդանոցում դեղերի առկայության պարագայում տվյալ դեղը ձեռք է բերվել պացիենտի կողմից՝ կատարողականից նվազեցվում է տվյալ դեպքի արժեքի 25%-ը:<br/>Հիվանդների բուժման համար ծախսված դեղերի տեսականու առնվազն 75%-ը չսպահովելու դեպքում տվյալ դեպքը փոխհատուցման չի ընդունվում:*</p>   |
| <p>6. պետական պատվերով բուժօգնություն ստացող պացիենտը պետք է ապահովվի անվճար հիվանդասենյակով, իսկ պացիենտի ցանկության դեպքում մատուցել վճարովի ոչ բժշկական ծառայություններ՝ տեսակցության վճար, խնամողի համար նախատեսված վճարումներ, լրացուցիչ հարմարություններով հիվանդասենյակի համար վճար և այլն): Ընդ որում, պացիենտի կողմից վճարովի ծառայության ընտրության դեպքում նրա հետ կնքվում է համապատասխան պայմանագիր:</p>                           | <p>6-րդ կետով սահմանված պահանջները չկատարելու դեպքում կատարողականից կատարվում է նվազեցում տվյալ դեպքի ամբողջ գումարի 20%-ի չափով, իսկ պացիենտի կողմից վճարված գումարները ենթակա են վերադարձման Կատարողի կողմից:</p>  |

|  |   |
|--|---|
| <p>7. Պետական պատվերով բուժման իրավունք ունեցող պացիենտների Բուժօգնության նպատակով պացիենտների հերթագրումն իրականացվում է համաձայն Հայաստանի Հանրապետության կառավարության 2004 թվականի մարտի 4-ի N318-Ն որոշմամբ հաստատված «Բժշկական կազմակերպություններում պետության կողմից երաշխավորված անվճար բժշկական օգնության և սպասարկման նպատակով բնակչության հերթագրման կարգ»-ի պահանջների:</p> | <p>7-րդ կետով սահմանված պահանջների խախտման դեպքում առանց հիմնավորման արտահերթ բժշկական օգնություն ստացած պացիենտների բուժման դիմաց փոխհատուցված գումարը նվազեցում է կատարողականից:</p>  |
| <p>8. Աշխատողների աշխատավարձերը սահմանել Նախարարի հրամաններով հաստատված՝ աշխատողների աշխատանքի վարձատրության հաշվարկման և վճարման չափորոշիչներին և այլ իրավական ակտերին համապատասխան:</p>  | <p>8-րդ կետով սահմանված պահանջների խախտման դեպքում Կատարողի նկատմամբ կիրառվում է տուգանք՝ չվճարված աշխատավարձի 20%-ի չափով:<br/>Տուգանքի վճարումը Պատվիրատուին չի ազատում իր պարտավորությունները չվճարված կամ պակաս վճարած աշխատավարձերի մասով ամբողջությամբ վճարելու կամ խախտումները վերացնելու պարտականությունից՝ Պատվիրատուի հետ համաձայնեցված ժամանակացույցին համապատասխան:</p> |
| <p>9. Ապահովել Նախարարի հրամանով հաստատված ծրագրերով իրականացվող դեպքերի անհատական վարման (case managemnet), դիտարկման, մշտադիտարկման, ուսումնասիրության ընթացքում պացիենտի բացակայությունը հիմնավորող փաստաթղթերի առկայությունը:</p>  | <p>9-րդ կետում նշված պայմանները չպահպանելու դեպքը փոխհատուցման չի ընդունվում:</p>   |
| <p>10. Պետպատվերի իրավունք ունեցող շահառուների դեպքում Կատարողի մեղքով Պատվիրատուի կողմից չընդունված դեպքերի ժամանակ Կատարողը իրավունք չունի փոխհատուցում պահանջել պացիենտներից:</p>   | <p>10-րդ կետում նշված պայմանները չպահպանելու դեպքում Կատարողի նկատմամբ կիրառվում է տուգանք՝ տվյալ ծրագրի պայմանագրային գումարի 0.05%-ի չափով, իսկ պացիենտի կողմից վճարված գումարները ենթակա են վերադարձման Կատարողի կողմից:</p>   |
| <p><b>Գլուխ Բ. Արտահիվանդանոցային Բուժօգնություն</b></p> <p>Պետպատվերի շրջանակներում անվճար արտահիվանդանոցային բժշկական օգնության և սպասարկման ծավալները ընդգրկում են առողջության առաջնային պահպանման ամբողջ ծավալը՝ այդ թվում.</p>  |   |
| <p>1. Նախարարի կողմից համապատասխան չափորոշիչներով և այլ իրավական ակտերով հաստատված՝ առողջության առաջնային պահպանման բժիշկների, նեղ մասնագիտացված բուժօգնություն իրականացնող բժիշկների և դիսպանսերային կաբինետների բժիշկների կողմից բժշկական օգնության և սպասարկման ծավալների, լաբորատոր-գործիքային ախտորոշիչ հետազոտությունների կատարումը:</p>   | <p>1-ին կետում նշված պայմանները չկատարելու կամ թերի կատարելու դեպքում յուրաքանչյուր դեպքի համար կատարողականից կատարվում է նվազեցում 500 դրամի չափով:</p>  |
| <p>2. Հատուկ ու դժվարամատչելի ախտորոշիչ հետազոտությունների ուղեգրումը և իրականացումը Նախարարի կողմից հաստատված կարգի համաձայն:</p>   | <p>2-րդ կետում նշված պարտավորությունները չկատարելու դեպքում յուրաքանչյուր դեպքի համար կատարողականից կատարվում է նվազեցում 5000 դրամի չափով:</p>   |
| <p>3. Անվճար և արտոնյալ պայմաններով դեղեր ստանալու իրավունք ունեցող անձանց դեղերի տրամադրման իրականացումը հաստատված իրավական ակտերին համաձայն:</p>   | <p>3-րդ կետում նշված պարտավորությունները չկատարելու դեպքում յուրաքանչյուր դեպքի համար կատարողականից կատարվում է նվազեցում 500 դրամի չափով:</p>  |
| <p>4. Սահմանված կարգերի համաձայն բնակիչների գրանցման, հաշվառման և վարման իրականացումը:</p>   | <p>4-րդ կետում նշված փաստաթղթային ձևակերպումները սահմանված կարգով չկատարելու կամ թերի կատարելու դեպքում կատարողականից կատարվում է նվազեցում յուրաքանչյուր դեպքի համար 500 դրամի չափով:</p>  |
| <p>5. Նախարարի կողմից հաստատված կարգի համաձայն դեղերի ստացման, պահպանման, լրացման և հատկացման փաստաթղթային ձևակերպումների (մատյաններ, դեղատոմսեր, պահանջագրեր և այլ փաստաթղթեր) իրականացումը:</p>  | <p>5-րդ կետում նշված պարտավորությունները չկատարելու դեպքում կատարողականից կատարվում է նվազեցում 100 000 դրամի չափով:</p>  |

|   |   |
|---|---|
| 6. աշխատողների աշխատավարձերի հատկացումը Նախարարի հրամաններով հաստատված՝ աշխատողների աշխատանքի վարձատրության հաշվարկման և վճարման չափորոշիչներին և այլ իրավական ակտերին համապատասխան,  | 6-րդ կետով սահմանված պահանջների խախտման դեպքում Կատարողի նկատմամբ կիրառվում է տուգանք՝ չվճարված աշխատավարձի 20%-ի չափով:<br>Տուգանքի վճարումը Պատվիրատուին չի ազատում իր պարտավորությունները չվճարված կամ պակաս վճարած աշխատավարձերի մասով ամբողջությամբ վճարելու կամ խախտումները վերացնելու պարտականությունից՝ Պատվիրատուի հետ համաձայնեցված ժամանակացույցին համապատասխան: |
| 7. Բժշկական ցուցումների առկայության դեպքում պետպատվերի շրջանակներում փոխհատուցվող լաբորատոր-գործիքային հետազոտությունների ամբողջությամբ անվճար իրականացումը   | 7-րդ կետով սահմանված լաբորատոր-գործիքային հետազոտությունները վճարովի իրականացնելու դեպքում կիրառվում է տուգանք վճարված գումարի կրկնապատիկի չափով, իսկ պացիենտի կողմից վճարված գումարները ենթակա են վերադարձման Կատարողի կողմից:   |
| 8. Պացիենտների հիվանդանոցային ուղեգրումները (այդ թվում ուղեգրող հանձնաժողովների կողմից) իրականացնել սահմանված կարգերին համապատասխան   | 8-րդ կետում նշված պարտավորությունները չկատարելու դեպքում կատարողականից կատարվում է նվազեցում յուրաքանչյուր դեպքի համար 50 000 դրամի չափով:  |
| 9. Պետական պատվերով բուժման իրավունք ունեցող պացիենտների Բուժօգնության նպատակով պացիենտների հերթագրումն իրականացվում է համաձայն Հայաստանի Հանրապետության կառավարության 2004 թվականի մարտի 4-ի N318-Ն որոշմամբ հաստատված «Բժշկական կազմակերպություններում պետության կողմից երաշխավորված անվճար բժշկական օգնության և սպասարկման նպատակով <u>ռնակության հետազոտման կառուցումի համաձայնեցնելու</u> »: | 9-րդ կետով սահմանված պահանջների խախտման դեպքում առանց հիմնավորման արտահերթ բժշկական օգնություն ստացած պացիենտների բուժման դիմաց փոխհատուցված գումարը նվազեցում է կատարողականից:   |
| <b>Գլուխ Գ. Անվճար շտապ բժշկական օգնության և սպասարկումը ընդգրկում է կանչի ապահովման և բժշկական օգնության և սպասարկման համար անհրաժեշտ միջոցների ամբողջ ծավալը, այդ թվում.</b>  |   |
| 1. Կանչերի ընդունումը, վարումը և էլեկտրոնային առողջապահության համակարգեր մուտքագրումը Նախարարի կողմից հաստատված կարգերի համաձայն:   | 1-ին կետում պահանջները սահմանված ձևերով և կարգով չկատարման դեպքում յուրաքանչյուր դեպքի համար կատարողականից կատարվում է նվազեցում 500 դրամի չափով:   |
| 2. Պացիենտի ախտորոշման և իրականացրած բժշկական միջոցառումների, դեղերի համապատասխանությունը ախտորոշման հետ:   | 2-րդ կետում նշված պարտավորությունները խախտելու դեպքում դեպքը փոխհատուցման ենթակա չէ:  |
| 3. ՀՀ ԱՆ կողմից հաստատված կարգի համաձայն դեղերի ստացման, պահպանման, լրացման և հատկացման փաստաթղթային ձևակերպումները (մատյաններ, պահանջագրեր և այլ փաստաթղթեր):  | 3-րդ կետում նշված պարտավորությունները չկատարելու դեպքում կատարողականից կատարվում է նվազեցում 150 000 դրամի չափով:   |
| 4. Աշխատողների աշխատավարձը սահմանել Նախարարի հրամաններով հաստատված՝ աշխատողների աշխատանքի վարձատրության հաշվարկման և վճարման չափորոշիչներին և այլ իրավական ակտերին համապատասխան,  | 4-րդ կետով սահմանված պահանջների խախտման դեպքում Կատարողի նկատմամբ կիրառվում է տուգանք՝ չվճարված աշխատավարձի 20%-ի չափով:<br>Տուգանքի վճարումը Պատվիրատուին չի ազատում իր պարտավորությունները չվճարված կամ պակաս վճարած աշխատավարձերի մասով ամբողջությամբ վճարելու կամ խախտումները վերացնելու պարտականությունից՝ Պատվիրատուի հետ համաձայնեցված ժամանակացույցին համապատասխան: |
| <b>Գլուխ Դ. Անվճար ստոմատոլոգիական մասնագիտացված բժշկական օգնության և սպասարկման ծավալները ընդգրկում են բժշկական օգնություն և սպասարկում ստացող քաղաքացու բուժման համար անհրաժեշտ միջոցների ամբողջ ծավալը՝ այդ թվում.</b>   |   |
| 1. Պացիենտի Բուժօգնության իրականացումը և էլեկտրոնային առողջապահության համակարգի միջոցով ներկայացումը իրավական ակտերով սահմանված կարգով:   | 1-ին կետում նշված պայմանները ՀՀ ԱՆ կողմից սահմանված ձևերով և կարգով չկատարման դեպքում յուրաքանչյուր դեպքի համար կատարողականից կատարվում է նվազեցում 1000 դրամի չափով:   |

|  |   |
|--|---|
| <p>2. Պացիենտի Բուժօգնության համար անհրաժեշտ լաբորատոր ախտորոշիչ և գործիքային հետազոտությունների ամբողջ ծավալով իրականացումը:</p>  | <p>2-րդ կետում նշված լաբորատոր-գործիքային ախտորոշիչ հետազոտությունների հաստատված ծավալները ամբողջովին կամ մասնակի չիրականացման դեպքում յուրաքանչյուր դեպքի համար կատարողականից կատարվում է նվազեցում 2 000 դրամի չափով:</p>   |
| <p>3. Պացիենտին Բուժօգնության համար անհրաժեշտ դեղերով, նյութերով և պարագաներով ապահովումը:</p>   | <p>3-րդ կետում նշված պարտավորությունները չկատարելու դեպքում յուրաքանչյուր դեպքի համար կատարողականից կատարվում է նվազեցում 2 000 դրամի չափով:</p>  |
| <p>4. Նախարարի կողմից հաստատված կարգի համաձայն դեղերի, բժշկական նշանակության պարագաների ստացման, պահպանման, լրացման և հատկացման փաստաթղթային ձևակերպումները (մատյաններ, պահանջագրեր և այլ փաստաթղթեր):</p>   | <p>4-րդ կետում նշված պարտավորությունները չկատարելու դեպքում կատարողականից կատարվում է նվազեցում 150 000 դրամի չափով:</p>  |
| <p>5. Աշխատողների աշխատավարձը սահմանել Նախարարի հրամաններով հաստատված՝ աշխատողների աշխատանքի վարձատրության հաշվարկման և վճարման չափորոշիչներին և այլ իրավական ակտերին համապատասխան,</p>  | <p>5-րդ կետով սահմանված պահանջների խախտման դեպքում Կատարողի նկատմամբ կիրառվում է տուգանք՝ չվճարված աշխատավարձի 20%-ի չափով:<br/>Տուգանքի վճարումը Պատվիրատուին չի ազատում իր պարտավորությունները չվճարված կամ պակաս վճարած աշխատավարձերի մասով ամբողջությամբ վճարելու կամ խախտումները վերացնելու պարտականությունից՝ Պատվիրատուի հետ համաձայնեցված ժամանակացույցին համապատասխան:</p> |
| <p>6. Պետական պատվերով բուժման իրավունք ունեցող պացիենտների Բուժօգնության նպատակով պացիենտների հերթագրումն իրականացվում է համաձայն Հայաստանի Հանրապետության կառավարության 2004 թվականի մարտի 4-ի N318-Ն որոշմամբ հաստատված «Բժշկական կազմակերպություններում պետության կողմից երաշխավորված անվճար բժշկական օգնության և սպասարկման նպատակով բնակչության հերթագրման կարգ»-ի պահանջների:</p> | <p>6-րդ կետով սահմանված պահանջների խախտման դեպքում առանց հիմնավորման արտահերթ բժշկական օգնություն ստացած պացիենտների բուժման դիմաց փոխհատուցված գումարը նվազեցում է կատարողականից:</p>  |

**\* Բացառությամբ պացիենտների կողմից գնման ենթակա քիմիոթերապևտիկ և օնկոհենմատոլոգիական դեղերի:**

## Գաղտնի

ՊԱՏՎԻՐԱՏՈՒ

ԱՆ գլխավոր քարտուղար՝  
Վարդանուշ Գրիգորյան

ԿԱՏԱՐՈՂ

Տնօրեն՝  
Ռինա Վարդազարյան